

**Nwa' wvu fwe wvù Baul to saηεε ê
Timatio
Fiεε fi nu ê Nwa' Timatio wvu
fwe wvun e**

Nwa' wvun nu wvu fwe wvù Baul to saηεε fô cuwee mvu wvù diee to nu Timatio le. Timatio to nu wee Klistu, ε wvú to nu wee wvu woη wvù Esia wvu caan e. Mwεεm mvù Baul saη εκυμε mvú ê ηwa' we wvu fwe wvun e nu mvuntentem.

Fi fwe nu ε wvú jemyi jó teete ε bó eyenè εκυμε n'yεεyi wvù yaa nu κε wvu λη εντελη jo bonyii bo mbee le. Wvuwwun n'yεεyi to nu λ, woη wvù beene yene wvun nu woη kebefε, ε wee nulo ke eκεηκε mboyma κε seke wee kee mwεεm mvumew mvù nu ê kenylε le bô seke wee cee nce mvu κε diεwε keetune keediee kfuu mwεεm mvumew bô keenu se kpwoon κενεε diemsen.

Nwa' wvudvu jemyi ten εκυμε no è nulo é Timatio egeè lemme diew ê kentaashε ke bonyii bo mbee le ente, bô no bonyii ebunleè Nyo'. Wvú bvuu seje kfuu κεηγε κè bikuu bi bintaashε bi bonyii bo mbee le noo bonyii bô fici gee dilemme ê bintaashε ente κεηκε keekeηκε. Keemεse nu ε wvú ε tefe Timatio no wvú nulo elemte diεwε waa lemme jisos Klistu wvù jee le.

Bikuu bi mwεεm e ê Nwa' wvun e

1:1-2 Κεηκεwce

1:3–3:16 Bontefe εκυμε no bó egeè mwεεm ê kentaashε le bô εκυμε bocee bikuu bi kentaashε le

4:1–6:21 Bontefe ekumε no Timatio egeè lemme diew

¹ Ε nu me wvù Baul, ε me nu waa ntum Klistu Jisos no Nyo' wvù Mboyse wesebeene bô Klistu Jisos wvù beene γεke bvufee yî ye le to gayεε le me enù.

² Me nsaanke ηwa' wvun fô wo le Timatio wvù è nu waa wεm wvu keceεy yî mbee le.

Nyo' Ice bô Klistu Jisos wvù Tata wesebeene ebuw wo, ecam shen fô wo le, enya wo bô nyεkeey.

Le Timatio ecilè bon'yεεyi bo mbiay e

³ No me nto ηgayεε ê wo seke me nto ηgene Masedonia le wo eshεε enù Εfesus, nu ε me mbvuu ηgayte le wo enù κε jó wvu le wo ecilè bonyii ba bô yεεyi kfuu n'yεεyi mvu wvu jεεy. ⁴ Ε cilè ten le fo bó ejòè kefew kebole jewsee yî mvumaηgaan e noo yî εdiee ε bo'icee dikfuu di bonyii le yò bó ké no taanke gene dvú se yó kaa lo ηkuuη. Mvumvun nu mwεεm mvù too κε ε è nu bô bombew, ε è yaa nu κε bô ntaη wvù wvu Nyo' wvù bii mbee le κε. ⁵ Shiee ntefe wvun nu keege le bonyii ekεηkè keηkoηεη kè nen'yi fô mvuntelem mvù yuule le bô kè nen'yi fô mvuntelem mvù wee gee fiεε ε è yaa nu fi fitele esaake wvù le noo kè nen'yi fô fitele fi keceεy fi wee lese yî Nyo' le. ⁶ Bonyii bomew nu ε cinε wase yiyin je le ε no bvuyte gene wase ε è nu yî bonjeme bo εcici le. ⁷ Bó gomte keenu bonyii bô yεεyi bonyii

1:1 2:7; Tay 3:4; Kolo 1:26-27 **1:2** 1Kol 4:17; 1Kol 4:15; 1Tes 2:11; Tay 1:4 **1:3** Lem 20:1; 4:1-10; 6:3-5, 20-21; 2Tim 2:16-18, 23-26; Tay 1:10-16; 3:9-11 **1:4** 4:7; 6:20; 2Tim 2:16, 23; 4:4; Tay 1:14 **1:5** 1:14, 19; 2:15; 4:12; Lum 12:9; 13:10; 1Kol 8:1; Gal 6:10; 2Tim 1:3, 13; 3:10; Tay 1:15 **1:6** 1:4; 6:4, 20; Tay 1:10

bô bonci bo Nyo' le, geenεn yaa cim kee naa fiεε fi bó jemyi εκumε fi kenεε kenyi ke fiεε fi bó τεεncine yî dvú le σε nfan e κε.

⁸ Beene kee ε nci Nyo' nu fiεε fi jee fen é wee joo nci wvudvu ê je yi len no wvú kenke keejoo le. ⁹ Beene kee ten le nci nu ε bó yaa to γεke fô bonyii bò nu teytey e κε. Bó to γεke ε è nu fô bonyii bò ηgoyte bonci le bô bò τεmyi bikuu le, noo bò maa lo Nyo' le, noo bò gee bibefe le, noo bò yaa yuule κε le, noo bò beete bô diee di Nyo' le, noo bò yuwyi bo'icee bobole noo bobwee bobole, noo bò yuwyi bonyii bomew e. ¹⁰ ε nu ten fô bokεne bô bolemσε bò jaanke kenjan e, noo fô bolemσε bò jiime fô bomew e. ε nu ten fô bonyii bò coηke bonyii gene bô bó le, noo fô bò mbiayte mbiay e, noo bò kane keesee kecεεy kane mbiayte lo le. ε è nu ten fô bò gee naa la fi yaa bii κε n'yεεyi wvu len e. ¹¹ N'yεεyi wvun bii saaka wvù jee wvù kuuke wvù è nu wvu Nyo' wvù bó bensee le, ε saaka wvudvu nu wvù bó to nyaε can yem e.

ε Baul nya keyoone ê Tata yî shenyi wvú to cameε fô wvú le

¹² Me nyaa keyoone ê Klistu Jisos wvù Tata wese-beene wvù nu ε nya me mvunγay keelemte lemme diw di wvú to jinγεε me yen le me nu ε ηkocεn, mum baa me le me enlemte le. ¹³ Naa no me nci m nto nu fwele njemyi díεw yi befe εκumε wvú, mbone bikaa ê wvú εjim, nan'yi wvú, geenεn ε wvú cam κε shen fô me le, njefo me nto ηgee kenjiwe le

1:8 Lum 7:12, 16 **1:9** Gal 5:19-21 **1:10** 4:6; 6:3; 2Tim 1:13; 2:2, 15; 3:14; 4:2-3; Tay 1:9; 2:1, 7-8 **1:11** 1Tes 2:4 **1:12** 2:7
1:12 Gal 1:15-16 **1:13** Lem 8:3; 9:1-5; 1Kol 15:9; Gal 1:13

n'yaa ηκηηκε wase mbee κε. ¹⁴ Tata to nu ε tfuw lo mbuwma we κηηκοηεν yî γεμ e, ge ε me no ηκηηκε mbee bô κηηκοηεν no wee wvù nu ε taashe bô Klistu Jisos ké no κηηκε. ¹⁵ Njeme wvù le Klistu Jisos to to yî nshε le keeboyse bonyii bô befe nu naa keceey, ε è nu njeme wvù nu ε kocen wvù wee ebee wvù le se kemaηen. Me kebεε nto nu naa lo nfon bonyii bô befe. ¹⁶ Geenεn, ε Tata ke cam shen fô me le, wvu le Jisos Klistu eduηce yî γεμ e, me wvù nu nfon bonyii bô befe, shém ye yì wvù kuule gene μεεσε bô bonyii. Ε me nto nu nonεn diεwε kenfewsεn e fô bonyii bô nu ke ebee wvù le ke eκηηκε nshii wvù μεy lo le. ¹⁷ Nyo' nu Nfon wvu bvuyvuum e se ηka, ε κε wvù yaa nulo ekpwe κε, ε κε bó nulo eyen wvù le κε. Ε μεy κε wvù maan wvù è nu Nyo'. Beene etumtè monkum mew, nyaà n'wvum ê wvù sekecii se ηka. Fí enù nonεn.

Lemme di Timatio elemtè

¹⁸ Timatio waa wεm, me nyaa lemme di fiεε fi me njeme fin e can yo le, ε fí bii ε è nu mwεεm mvù bonyii to jemyεε wase ekumε wo diεwε bonyii bô teete bontum bo Nyo' le, wvu le mvù ke efi wo é wo etum jem yì jee. ¹⁹ Ε leemè κε yì fitele fi wo lese yì Klistu le, eyekè fiεε fi fitele fiuw jemyi ê wo ntay. Bonyii bomew nu ε cinε wase keeyeke fiεε fi fitele fibole jemyi ê bó, ε mum ε gbwe yì mbee wvubole diεwε ηguw wvu ê joo fò wvù ε bvuj e. ²⁰ Ngoo bó le nu 'Imenayus bô Aleksanda. Me nu ε nya wase

1:14 1:5; 1Kol 15:10 **1:15** Luk 15:2; 19:10; Lum 5:8 **1:16** Εφε 3:7-9; Kolo 1:25 **1:17** Lum 16:27 **1:18** 4:14; 6:12; 1Kol 9:24-25; 2Tim 4:7-8; Jut 3 **1:19** 1:5 **1:20** 2Tim 2:17; 2Tim 4:14; 1Kol 5:5

boban can Satan e, wvu le bó ekeηke bvufee, elu bô diee di Nyo' le di bó beete dvú.

2

Ntefe ekumε bunle

¹ Fiεε fi fwe fi me nleke nu ε, bonyii bo Nyo' le ebunleè fô bonyii le bocii. Bó ebunleè beelè fô Nyo' le bvuu lekè Nyo' fô bonyii bomew e, nyaà ten keyoone ê wvú. ² Bó ebunleè fô bonfon e, bô fô bonyii le bocii bô nu yí bintaw bi baay baay e. Bó ebunleè nonεn wvu le è nulo é beene eceè nce kenλεεten bô wvu nyεkeey noo wvu bonyii bo Nyo' le noo wvù keηke n'wvum. ³ Keebunlee nonεn nu fiεε fi jee, ε fí ε kocεn εjise jo Nyo' wvù Mboyse wesebeene, ⁴ wvù shieele le wee tfuu ke eboy noo le wee tfuu ekeè keceεy e. ⁵ Nyo' nu ke mwaan maan, ε wee wvù nu enteleη jo Nyo' bô bonyii nu ke ten mwaan. ε wee wvun nu Klistu Jisos. ⁶ ε nu wvú wvù to nyaε ekole kew keesum bonyii bocii yí ηgew e. Fifin nu fiεε fi Nyo' to duηceε seke kefew ke leη to kocεnεε. ⁷ ε nεε fiεε fi Nyo' to balεε me le me enù wee nfewceε noo waa ntum Jisos bô le me enù wee n'yεεyi bonyii bô yaa nu ke Bojuu keen'yεεyi bó é bó elese fitele yí Klistu le, eyεεyi ten bó bô keceεy. Ke fiεε fi me njemyi fin nu ε me mbiayte lo ke. Me njemyi ε è nu keceεy.

2:1 Efε 6:18-19; Fili 4:6 **2:2** Esl 6:10 **2:3** Tay 3:4 **2:4** Esek 18:23; 2Tim 2:25-26; 2Bi 3:9 **2:5** Dito 6:4-5; 1Kol 8:6; Lum 3:29-30; 10:12-13 **2:6** Mak 10:45; 2Kol 5:15; Gal 1:4; Tay 2:14; 1Jon 3:16; Gal 4:4; Tay 1:3 **2:7** 1:11-17; Gal 1:1; 2:7-8; Efε 3:7; 2Tim 1:11

⁸ Me ε mum ε no nshieele le bolemse ebunleè mondvuum e monciim, cawse ε è nu can yì yuule we yaa ton'yi shém kenεε cεwkene ke. ⁹ Me nshieele ten le bokεε ejjisè ndvú ê je yi leη e yì dunçi n'wvum e, noo ê yì bonyii yεne le è nu yi leη e. Fo bó etuwci bikuu kenεε leese mwεεm mvù bó kene bô ketwaa ke bigew e kè yεle kenεε ejjise ε ban, kenεε ndvú yi kenlum e ke. ¹⁰ Bó esuutè ye yibo ε è nu bô gee di jee diεwε bokεne bò nu ε kocεn keebunlee Nyo' le. ¹¹ Kpwoon keηke keenya εkolε kew keeyeke lo n'yεεyi, nu diuw tfu. ¹² Me mbaa nya je le kpwoon eyεεyi bolemse kenεε ekeηke mvunγay ê we jo bolemse ke. Wvú keηke keenu diuw tfu. ¹³ Fí nu nonεn njefo è nu Adam wvù Nyo' to yawεε bom, se bom Iff. ¹⁴ ε ke è yaa nu Adam wvù Satan to leleε ke. ε nu kpwoon wvù bó to leleε ε wvú ηgoy nci Nyo'. ¹⁵ Naa no fí cim nu nonεn, nu ε Nyo' nu ke eboyse kpwoon fele yì boom bò wvú boote le, fen é wvú ε mεy ε no leeme yì fitele fi wvú lese yì Nyo' le, keηke keηkoηεn, cee nce wvù yuule noo wvù keηke n'wvum e.

3

No nce bocee bikuu bi kentaashε ke bonyii bo mbee le keηke keenu

¹ Njeme mvu nu dvú ε wvú nu naa lo keceεy. Njeme wvun nu le: ε wee shieele kentaw keenu cee εkolε ke kentaashε le, tu wvú shieele lemme ε è nu di jee. ² Cee εkolε kentaashε ke bonyii bo

2:8 1Bi 3:7 **2:9** 1Bi 3:3-5 **2:10** 5:10 **2:11** 1Kol 14:34
2:13 Keη 2:7, 21-22; 1Kol 11:8-9 **2:14** Keη 3:1-6, 13; 2Kol 11:3
3:2 Tay 1:6-9; 1Bi 5:1-4

mbee le κηηke keenu wee wvù yaa κηηke fiεε fi bó ebaci wvú yí dvú le κε. Wvú κηηke keenu dwee kpwoon mwaan, yaa gee mwεεm kenduun e κε, kpawwci mwεεm ntay, κηηke n'wvum, fiisene bonyii bo ghane le, kee keeyεεyi bonyii. ³ Wvú κηηke keenu wee wvù yaa wuu κε mbvuum ε mó kooole κε. Wvú κηηke keenu nyεkeey bô bonyii yaa cεwkene κε, yaa waale waa κε, yaa κηηke shiee yí bigew e κε. ⁴ Wvú κηηke keenu wee wvù kee keetaa fô yew ye le ntay, gee ε boom bew yuuke wvú le yí fiεε le ficii, wvumte wvú. ⁵ Ε wee nu σε wvú kee keetaa fô ye yew e ntay, é wvú ke eghan nεε σε keetaa fô kentaashε ke bonyii bo mbee le ke Nyo' le? ⁶ Κε wvú κηηke keenu wee wvù bεε banke lo è no nu wee mbee κε. Ε wvú nu wvuwε wee, é wvú ke enε sekemew emum ebensee ye, ke enε eley ηγεw diεwε wvu dεwle le. ⁷ Wvú κηηke ten keenu wee wvù bonyii bo εκfun yene ten le è nu wee wvu leη. Εfuw κε nonεn, é wvú ke enε ejo ê ketam ke dεwle le eshoose εκole kew.

No nce bonyii bò fici gee dilemme ê kentaashε ke bonyii bo mbee le ente, κηηke keenu

⁸ Bonyii bò fici gee dilemme ê kentaashε ke bonyii bo mbee le ente κηηke ten keenu bò κηηke kenje ke leη. Κε bó κηηke keejemyi díεw fiεε κε, yaa nu bò nu ε nya bikuu bibole ê mbvuum κε, yaa nu bonyii bò kuunke κε ε è nu σεw κε. ⁹ Βó κηηke keejici kenylε ke fiεε fi Nyo' nu ε duηce wase ê beene εκumε mbee le, leeme yí dvú le ε fiεε yaa saake bó fô fitele le κε. ¹⁰ Ε bo σε γεε bó yí lemme le, nu ε bó κηηke keeyaw emom bó. Ε bó dioo ε duηce le κε bó

kenke jay ke, é bó emum egee bó é bó elemte diewe bonyii bò fici gee dilemme ê kentaashe ke bonyii bo mbee le ente. ¹¹ Boké' bobole kenke ten keenu bò kenke kenge ke len, yaa kunsene mvun̄kunsen ke. Ke bó kenke keegeè mweem kenduun e ke. Bó kenke ten keeleemè yî keey e yî fiε le ficii. ¹² Wee wvù fici lemte lemme ê kentaashe ente kenke keenu dwee kpwoon mwaan̄. E wvú kenke ten keeke keetaa fô boom bew bó fô yew ye le ntay. ¹³ Bonyii bò fici lemte ê kentaashe ente ké lemte ntay, kenke diee di baay fô bikuu bibole, no nu ten se nfan ekumε fitele fi bó lese yî Klistu Jisos e.

Fiε fi kuuke baay fi è nu fi mbee wesebeene le

¹⁴ Me n'yene le è shεεte wase caan é me ento en'yen wo le. Geenε ε me saanke mweem mvun̄ fô wo le wvu le, ¹⁵ é me ne lo è no ndvuyte, é wo ekee no bonyii kenke keege mweem ente jo yew yî yi Nyo' yî è nu kentaashe ke bonyii bo mbee le bo Nyo' wvù kenke nshii le. Kentaashe kin nu kfuy bó kenffuy kè jici keey e. ¹⁶ Fiε nu dvú ε fí kuuke naa baay. E fiε fin nu fi to shee nu ê kenyile le ekumε mbee wesebeene wvù beene jemyi, ε Nyo' ε ge wase beene ε kiε. Fiε fin nu le:

Wvú to nu ε dūnce ekole kew yî nyam ye wee wvu wum e.

Keyoy ke Yuule to nu ε bense wvú.

Bonceendaa bo Nyo' le to nu ε yen wvú le.

Bó to nu ε fewce ekumε wvú ê bitum bicii.

Bonyii to nu ε lese fitele yî ye le won̄ tfuu.

Bó to nu ε jo wvú ε wvú ben we ley bvukuke le.

3:11 Tay 2:3 **3:15** Efe 1:23; 2:19-22 **3:16** Mat 28:18-19; Mak 16:19; Jon 1:14; Lem 2:33; Efe 1:20-21; Fili 2:6-11; Kolo 1:6, 23; 2Tim 4:17

4

Ekumε bonyii bo n'yεεyi le bo mbiay e

¹ Keyoy ke Yuule jemyi lo teytey le è nu ke enu kefew kemew e, é bonyii bomew ecinε mbee le eyuuke wase mwεεm ε è nu ê biyoy bì lεεle bonyii noo bon'yεεyi bo bonceendaa bo dεwle le. ² Ε bon'yεεyi ban nu ke etoo can bonyii bò ghane buwsee bonyii mbiayte mbiay, ε mvuntelem mvubole ε cife wase ke diεwε bó ton ε è nu bô kento. ³ Bó nu ke ekane le fo bonyii etaashì bvujen, bô le fo wee edieè kfuu mwεεm mvumew ke. Ε mwεεm mvun nu ε Nyo' to fε le bonyii edieè, ε bonyii bò keηke mbee bvuu kee keεεy dīoo diee no nyaa keyoone ê Nyo'. ⁴ Fiεε ficii fi Nyo' to fελεε nu ε fí jee, ε fimew yaa nu dvú fi wee etune é wvú fεn ε fiisεn bô keyoone ê Nyo' ke, ⁵ njefo njeme wvú wvu Nyo' bô bunle nu ε ge wase fí ε no yuule.

Waa lemme wvu Klistu Jisos wvù jee

⁶ Ε wo duηci mwεεm mvun ê boom bo bwee wesebeene le, é wo enù wee lemme wvu Klistu Jisos wvù jee wvù nu ε bó ε kuuse bô diεw Nyo' yì nu ekumε mbee bô n'yεεyi wvù jee wvù wo bii wvú le. ⁷ Fo wo ekeηke naa lo fiεε keege bô mvumangaan mvu εcici mvù nu se mvú keηke fiεε keege bô Nyo' ke. Yεεyε ekolε kuw keecee nce ε è nu wvù Nyo' gomte. ⁸ Keedvumte ndvum yaci ye keηke ke sεw fô wee le. Geenεn ε keecee ε è nu nce wvù Nyo' gomte keηke sεw fô wee le ê jé le yicii, njefo fifin keηke sεw yî nshii wvu keseen e, bvuu keηke yî nshii wvù too

4:1 1:10 **4:1** 2Tim 3:1 **4:3** 1Kol 7:1; Keη 9:3; Lum 14:2; Kolo 2:21; Ibu 13:9; Lum 14:6; 1Kol 10:30 **4:4** Keη 1:31; Lem 10:15

4:6 1:10 **4:7** 1:4 **4:8** 6:6

le. ⁹ Njeme wvun nu naa keεεy, ε è nu njeme wvù nu ε kocεn wvù wee ebee wvù le se kemanεn. ¹⁰ Ε nεε fiεε fi bese famte εdien yî lemme din e njefo bese nu ε leke bvufee bvuseεe bvucii yî Nyo' wvù keηke nshii le. Nyo' nu Mboyse bonyii bocii, εfey mvunciim bonyii bò nu ε bee wvù le.

¹¹ Ε γεεyì bonyii bò mwεεm mvun gayte ε bó gee mvù. ¹² Fo wo ecinε é wee ejod wo εκuse λε njefo wo bεε wan caan κε. Ε nù kenfewsεn fô bonyii bo mbee le ê je yì wo jemiyi jó bò yî nce wo le, noo keηkoηen kè wo keηke le, noo fitele fi wo lese yî Nyo' le, noo je yì wo γεεle ye yo jó ε yì yuule le. ¹³ Nya εκole kuw keetaanηke Nwa' Nyo' ê bonyii ya le, ebvuu efewci diεw Nyo', eyεεyι ten bó egen ebuy seke me ηke ento. ¹⁴ Fo wo elan nnya yo κε. Nnya yin nu yì bó to nyaε ê wo seke ηgoo bocee bikuu bi kentaashε ke bonyii bo mbee le to γεελεε can yibo yî yo le jemiyi ê wo we diεwε bonyii bo ntum Nyo' le. ¹⁵ Nya εκole kuw ê mwεεm mvun, egeè mvù mvunciim ε bonyii bocii yεne ηγενfwe wo le. ¹⁶ Ε yεnè bò εκole kuw noo bò n'yεεyι wo. Ε jici dvù ntay wvu λε no wo gee nonεn, é wo ke eboyse εκole kuw, eboyse ten noo bonyii bò yuuke fiεε fi wo jemiyi.

5

Ntefe no Timatio egeè bò bonyii bo mbee le

¹ Fo wo ke dioo jemiyi fiεε ê wee wvu ηgaywee no wamene lo wvù κε. Geenεn tefe lo wvù κε diεwε

4:10 Tay 3:4 **4:12** 1:5; Tay 2:7 **4:13** 2Tim 3:15-16 **4:14** 1:18; 5:22; Lem 6:6; 2Tim 1:6; 2:2 **4:16** 1:10; 4:12; 2Tim 2:22; 3:10
5:1 Lεw 19:32

ico le. 2 Ε joò cubonyii diεwε boom bo bwoo le. 2 Ε joò ten bokενεε bo ngaybonyii diεwε bobwoo le, ejoò ngon bokενεε diεwε jέme yo le, etaalè bó ê je yì yuule le.

No è nulo é kentaashε etaale fô bokε' bo bonkfu le

3 Ε taalè fô bokε' bo bonkfu le bò è looci nu bò yaa κεηκε κε wee wvù taale fô bó le κε. 4 Geenεη, é kpwεε ηkfu κεηκε boom, κεεεε boom bo boom e, é wo cinε ε bó yaw γεεyi keegeε lemme dibole di mbee le, wvu λε bó etaale ten fô bobwee bobole κεεεε fô bo'icee bobole no bó to taale fô bó le. Fifi nu fiεε ε fí ε kocεη ê Nyo' εjise. 5 Kpwεε ηkfu wvù looci nu kpwεε ηkfu wvù yaa bvuu κεηκε wee wvù taale fô wvú le, nu ε wvú taale κε wase fwe ε è nu yì Nyo' le, bunlee sekecii beele fô Nyo' le εηταη bó εμvunsheen. 6 Geenεη, ε kpwεε ηkfu wvù ghane fiεw diee ε è nu εκολε kew, nu ε wvú ε kpwe κε wase naa no wvú cim bεε λενε ê we. 7 Ε jemyì mwεεμ mvun ê bó, wvu λε fo bonyii ke ενε ebaci bó. 8 Ε wee nu σε wvú taale fô kfuu diεw e, εfey mvunciim fô ye yew e, tu wvú nu ε tun wase nce wvù è nu wvu mbee. Ε didiε gee nu ε dí ε fo ε fey naa lo di wee wvù yaa nu κε wee mbee le.

9 Kpwεε ηkfu wvù è nulo é bó elese diee diεw ηgoo bokε' bo bonkfu le bò bó efici bó κεηκε keenu wvù nu ε buy wase bilim mbaηsoocaaη, wvù to nu κε kpwεε diεmsεη mwaaη, 10 ε è nu wvù bó kee lo λε wvú κεηκε gee di jee. Fi nu λε: Wvú kuuse boom bew ê je yì jee le, fiisene botolo ê wvú yew, ε wvú ε cukε wase ten bikaa bi bonyii bò è nu bo Nyo' le, ε

fice bonyii bo ηγεω e, ε wvú ε nya εκολε kew keege lemme di jee ê jé le yicii.

¹¹ Geenεn, fo wo ebee keeese bokε' bo bonkfu le bò bεε boom bo caan ηgoo bò bó efici le κε, njefo é ye yibo ja ε κεω ε no ηεyte, é bó emum edaaye ηkawma wvù bó to gee ê Klistu, emum egomte keekase eγεν ê bolemsε bomew e. ¹² Ε bó ge nonεn, tu bó ε jo wase ηγεω yî bikuu bibole njefo bó nu ε ηgoy wase ηkawma wvubo wvu fwe. ¹³ Ε keebvu ebise fó nu, é wo lese bó ηgoo le, é bó enε enu wase bonyii bò shee laame lo, gbwayte yew bonyii le danšene. Ε è yaa mεy κε λε bó nu eshee laame lo κε, bó nu ekunsene ten mvunηkunsen, leese dew fô mwεem mvu bonyii le, jemyi mwεem mvù bó yaa κεηκε keejemyi κε. ¹⁴ Nonεn me ε no nteete bokε' bo bonkfu le bò bεε boom bo caan λε bó ekase eγεν etaashε bvujen bô bolemsε bomew, eboo boom, etaalè fô yéw yibole, fo wee bvuban ke enε ebεε εjim jodvu ebeete bô diee disεbeene. ¹⁵ Me ηgayte nen njefo bonyii bomew bó le nu ε jay wase je ε tu ê keba ke Satan e. ¹⁶ Ε kpwoon wvù è nu wee mbee κεηκε bokε' bo bonkfu le ê kfuu dibole, é wvú nu fici bó, wvu λε fo kentaashε ke bonyii bo mbee le etuule bvujite κε. Ε kí efici wase ε è nu bokε' bo bonkfu le bò looci nu εbonεbon.

Fice fi bonyii bo mbee le κεηκε keege fô bocee kentaashε le

¹⁷ Bocee bikuu bi kentaashε ke bonyii bo mbee le bò lemte ntay nu ε bó κεηκε keenyaà n'wvum bô mmawce ê bó ntay, efey mvunciim bò fewci ten

diεw Nyo' bvuu yεεyi bonyii. ¹⁸ Bó κηηke keenyaà nonen njefo Nwa' Nyo' gayte le, “Fo wo esûm diuw nyam seke yí leε εgin κε.”
 Ε fi bvuu nu ten le, “Wee lemme κηηke keekηηke nlawma we.” ¹⁹ Fo wee ke eyuu eshomse cee εkolε ke kentaashe le kemew ê wo, é wo emum ebee wvú le se bonyii ε leem bofεε κενεε botete ε ben jim nsaw wvudvu κε. ²⁰ Ε è nu wee wvù nu ε meγ κε ε no gee kebefε gene dvú, é wo wamen wvú εjise jo bonyii bocii, wvu le keβεse efan.

²¹ Me njemyi fin ê wo fwe dvu Nyo' bô Klistu Jisos noo bonceendaa bò Nyo' nu ε baa le, wo egeè fiεε fi me ηgayte fin yaa tuu dwen wee mvu κε, egeè fiεε yaa duηci kejeεy jεεy κε. ²² Fo wo ebuwbuwè keεεε can yî wee le le wvú enù cee εkolε ke kentaashe ke bonyii bo mbee le κε. Fo wo elese fiuw can fô kebefε ke wee mvu le κε. Γεεε εkolε kuw ε kí eyuulè.

²³ Fo wo ebvuu ewuu κε ε è nu joo maan κε. Ε wvù ten fimmbvuum caan nje tee diuw bô no wo mooci κε cemceme baay nen. ²⁴ Bibefε bi bonyii bomew e ké no yen'yi naa baay duηci le bó nu ε gbwe wase nsaw, ε bi bomew e ké jo naa kefew se yene. ²⁵ Ε nu κε lenληη no gee di jee di bonyii bomew e ké no yen'yi. Ε dí cim baa yanσen eyene, tu κε dí nu ke emεy nyiime κε.

6

Nfwa wvù nu wee mbee eyuukè wee wvù κηηke wvú le

5:18 Dito 25:4; Luk 10:7; 1Kol 9:9, 12-14 **5:19** Dito 19:15; Mat 18:16; 2Kol 13:1 **5:20** Gal 2:14; Εfe 5:11 **5:22** 4:14

¹ Bonyii bocii bòn nu ekuse jo kemmbun̄ ke bvun-faw e keŋke keenyaa n'wvum ê jé le yicii ê bonyii bòn keŋke bó. Bó egeè nonen, wvu le fo bonyii ejemyi díew yì befe ekumε diee di Nyo' le noo n'yεεyi wesebeene κε. ² Fo bonfaw bòn bonyii bòn keŋke bó nu bonyii bo mbee le emum ejòð bó ekuse le njefo bó bocii nu boom bo bwee wan e yî Klistu le κε. Bó keŋke keelemte lo fô bó le ntay fesene lo, njefo bonyii bòn keŋke sew lemme dibole nu ε è nu bonyii bo mbee le ε bó koon̄ke bó naa ntay.

Bonyii bo n'yεεyi le bo mbiay e bô bvukukε bvυ leŋ

ε yεεyi bonyii bô mwεem mvun, teete bó le bó egeè mvú. ³ ε wee yεεyi n'yεεyi mvu jεey yaa beŋe n'yεεyi wvu leŋ wvù wvu Tata wesebeene wvù Jisos Klistu le noo n'yεεyi wvù kocine bô nce wvù Nyo' gomte, ⁴ tu mwεten bensee ε è nu ye yi εcici yaa kee fiεε κε. Wvuwε wee cemte bô kencem ke bombew bô mvun̄kicεn mvu díew e mvù too bô kendon̄ ke benεen noo diwaa noo díew yì befe noo keebiinene bonyii keŋke ŋkpawawce wvù befe, ⁵ noo diuw wvu kumεen enteleŋ jo bonyii bòn nu ε bvufee bvubole ε lem̄lem wase ε bó ε lase wase kecεey e. Bó gee nonen kpwaake le fiεε fi Nyo' le nu je mi yì bó nu ke ekuw jó.

⁶ Geen̄en é wee cee nce wvù Nyo' gomte bvuu yuuke njon̄ bô fiεε fi wvú keŋke, tu è nu naa bvukukε bvυ baay, ⁷ njefo beene to to ê won̄ jan cancan, ε beene nu ke etu κε jim cancan.

6:1 Efε 6:5; Tay 2:9-10; Flm 8-20; 1Bi 2:18 **6:3** 1:3-7 **6:3** 1:10; Gal 1:6-9 **6:4** 1:4; 6:20; 2Tim 2:14 **6:5** Jon 10:12; Lem 20:33-34; 1Tes 2:5; Tay 1:11; 1Bi 2:14; 5:2 **6:6** 4:8; Fili 4:11; Ibu 13:5 **6:7** Job 1:21; Ekle 5:14

⁸ Nonεn é beene κηηke mwεεm mvudien bô ndvú, tu mvumvun nu ε kocεn fô beene le. ⁹ Geenεn bonyii bô gomte ε è nu bvukukε ké ley mmom e, jo ê ketam e, mum ley shiee mwεεm e nteen mvu keyuη e mvù too bô bonηεw. Ε mwεεm mvun nu mvù ffûmte bonyii ηγεw e ε è yaa nu wvu wεε κε. ¹⁰ Dikfuu di mwεεm mvù befe le mvunciim san ε è nu yî κηηκοηεn ke bigew e. Ε nu nje shiee wvu baay wvun wvù bonyii κηηke fô bigew e wvù bonyii nteen nu ε jay wase je yî mbee wvubole, ε bon'yε mvuntelem mvubole bô mwεεm mvu nsase le nteen.

¹¹ Fô wo le Timatio, wo nu fiuw wee Nyo'. Ε lewtè lo fiuw mvumvun mwεεm. Ε taalè ε è nu keekηηke nce wvu teytey noo nce wvù Nyo' gomte. Ε jicì mbee wo le, κηηke κηηκοηεn, kuule shém, κηηke ten nce wvu nyεkeey. ¹² Ε diuù bvudiuw bvu mbee le bvù jee, jicì nshii wvù mεy lo wvù bó to tenηε wo keeley wvú le, ε wo leem ê bonyii nteen fwe bô eben jim nsaw wo, ε wo jeme λη εκumε mbee wo.

¹³ Me ε mum ε no njemyi ê wo εjise jo Nyo' wvù nyaa nshii ê mwεεm mvunciim, noo ê εjise jo Klistu Jisos wvù to leemεε fwe dvu Bontus Baylet jeme fiεε fi λη bô diuw we εκumε εκolε kew, ¹⁴ ηgayte λε wo egεεlè bonci ban, nù se nlom ε fiεε yaa nu dvú fi wee ebaci wo yî dvú le eγεn ebuy kefew kè Tata wesebeene wvù Jisos Klistu nu ke ebuynεn e. ¹⁵ Ε wvú nu ke ebuynεn ε è nu ê kefew ke λη e, kè è nu ke eduηce Nyo' wvù bó bensee, wvù è mεy ke wvú

wvù saake mwεεm mvunciim, nu Nfon bonfon noo Tata botata bocii. ¹⁶ Ε mεy κε wvù maan wvù yaa nulo ekpwe κε, ε wvù nu ê n'yuu wvù è nulo wee saa ebence nceencee fó le κε. Wee ke baa yuu yεn wase wvù le, ε κε è nulo é wee eyεn wvù le κε. N'wvum nu ê wvù, ε sa' ye nu yì mεy lo. Fí enù nonεn.

¹⁷ Ε dioo tu ê keba ke bonyii bo kpaw e yì won wvun e, è jemyi ê bó λε fo bó ebenseè ye κε. Fo bó eleke bvufee bvubole yì kpaw e wvù nulo ke enε eka le κε. Bó eleke bvufee ε è nu yì Nyo' wvù looci tfuuke lo mwεεm mvunciim ê beene λε beene eyuuke njon dvú le. ¹⁸ Bó egeè ε è nu mwεεm mvù jee, é kpaw wvubo enù mwεεm mvù jee mvù bó gee. Bó eyene can yibo enyaa nnya yaa taale κε. ¹⁹ Yiyin nu je yì è nulo é bó egεεle ntfu fô bikuu bibole yì ntfu le diεwε kenffuy kè temyi le, wvu λε bó ejici nshii wvù looci nu nshii le.

²⁰ Timatio, è jicì κε fiεε fi bó nu ε gεε can yo le. Ε wεmte lo bonjeme bò yaa κεηke κε fiεε keege bô Nyo' noo bonjeme bo mvunκicεn e bò bonyii kpwaake λε è nu bo bvufee le. ²¹ Bonyii bomew nu ε nε wase ε no kuηene mvumvun mwεεm, ε nε ε jay je ê keba ke mbee wvubole. Tata ebuw ben bocii.

6:16 Ksm 33:20; Mben 104:2; Jon 1:18; Kolo 1:15; 1Jon 4:12 **6:17**
 Mben 62:10; Luk 12:15, 20; Jεm 5:1 **6:19** Mat 6:20 **6:20** 1:4;
 6:4; 2Tim 1:14 **6:21** Gal 6:18

**Nwa' Nyo' Monkan mo Monɛm
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
5b12a3f8-7a2a-5b6f-b1da-1bf94b13fc2e